

地理門

州郡

風俗

夷狄

要害

羣書考索前集

卷六十之六十二



群書考索卷六十

前集

山堂先生章俊卿編輯

建陽知縣區玉刊行

縣丞管韶校正

地理門

州郡類

魏州郡

魏武定鄴自生靈版蕩關洛荒蕪所置都十二新興。樂平。西平。新平。洛陽。陰平。

帶方。譙郡。樂陵所省者七。中。郡。朔方。漁陽。盧江。而文帝又置

七朝歌。新城。美陽。安豐。明帝及少帝增二明。上。庸。少。平。陽。得漢郡者五十

四焉

蜀州郡

蜀先主於漢建安之間置郡九巴東。巴西。梓潼。江陽。涪陵。後主

增二雲南。得漢郡者十一

武帝北平廣固西定梁益又尅長安盡得河南之地長安尋為赫連勃勃所陷至廢帝滎陽王景和中武牢以西復陷後魏今大較以孝武大明為正凡二十有三州楊治建業南徐治京口徐治彭城南兗治廣陵兗治瑕丘荆河治歷陽荆治汝南江治尋陽青治臨淄冀治歷城司治義陽荆治南郡郢治沔潭湘治臨湘雍治襄陽梁治南鄭秦亦治南鄭益治成都寧治建寧廣治南海交治龍編越治臨澧郡凡二百三十有八縣千一百七十有九初文帝元嘉中遣將北伐水軍入河尅魏碣磔滑臺武牢洛陽四城其後又失又分軍北伐西軍尅弘農開方二城以東攻滑臺不尅而平碣磔守之尋皆敗退於是後魏主大武總師經彭城臨江屯於瓜步退攻盱眙不拔而旋明帝時後魏又南侵淮北青冀徐兗四州及荆河州西境悉陷沒則長淮為北境橋徐兗於淮南立青冀二州寄治頓榆其後十餘年而淮亡然初強盛也南鄭襄陽懸瓠彭越歷城東陽皆為宋民藩扞矣

蕭齊兩國土宇

齊氏淮北之地所有全少青州治朐山冀理渦口荆河治壽春北兗治淮陰北徐治鍾離又置巴東治巴其餘州郡悉因宋代州二十有二郡三百九十有五縣千四百七十有四其後蕭齊為後魏所侵至東昏末元初沔北諸郡相繼敗沒又遣軍北伐敗於圜馬屯益城又失壽春後三年齊亡始全盛也南鄭樊城襄陽義陽壽春淮陰角城漣口脂山為重鎮

蕭梁南國土宇

梁氏州郡多沿舊制天監中州二十有三郡三百五十縣千二十有五其後更有析置大同中州十有七郡縣亦稱於此自侯景逆亂建康傾陷墳籍散逸不可得而詳焉初武帝受禪數年即失漢川及江西之地其後諸將頻年與魏軍交戰於淮南淮北至有勝負雖得懸瓠彭城俄而又失又尅壽春宋大通初大舉北伐淮北城鎮相次尅平直至洛陽暫為梁有其後又復漢中至東魏將侯景以河南地降逆亂相尋有名無實及景平後江北之地悉陷高齊漢川蜀川沒于西魏大抵雍州下

漢戍夏口白狗堆破石城合肥鍾離淮陰朐山為重鎮

南陳南國土宇

陳氏比於梁代土宇彌蹙西不得蜀漢北失淮肥以長江為境有州四十有二郡百有九縣四百三十有八宣帝大建中頻年北伐諸將累捷盡復淮南之地更經畧淮北大破齊軍於呂梁及旋師屬高齊國亡又總軍北伐至呂梁周軍來拒又大破之旋為周軍所敗悉虜其衆自是江北之地盡沒于周又以長江為界及隋軍來伐遣將守狼尾灘荆明安蜀城公安巴陵已下並風靡退散隋軍自采石京口渡江而平之

元魏北國土宇

後魏起自北方至道武率兵下山東攻拔慕容寶中山遂有河北之地於是遷都平城慕容氏喪敗遣將南畧地至于滑臺許昌彭城明帝太常中始於滑臺許昌置兵鎮守大武帝時又得蒲坂長安統萬神慶中宋師來伐碣磔滑臺武牢戍將皆不守尋並復之太延以後東平遼東西平姑臧於是西至流沙東接高麗所未得者漢中及南陽縣瓠彭城

青州之南而已其後帝自南征遂臨瓜步宋之淮北城鎮守將多有敗沒獻文天安初自河之南長淮之北皆為魏有孝文遷都洛陽頻歲親征皆渡淮沔宣武初又得壽春績收漢川至于劔湖蕪得淮西之地在帝時梁軍洛陽數旬敗走爾後內難相繼不暇外畧三四年後分為東西魏矣皆權臣擅命自永安末年爾朱世隆稱兵入洛圖籍散亡不可詳記今按舊史管州百十有一郡五百十有九縣千三百五十有二自太武以後漸更強盛東征西伐尅定中原厲宋明以後及于齊梁國土漸蹙自守不暇雖時有侵掠而退不旋踵故魏之城鎮少被攻圍因利進取不常所守也

高齊北國土宇

北齊神武東魏天平末大舉西戎至蒲津西魏乘勝攻陷陝州神武西至沁苑西軍又乘勝襲陷洛陽明帝西師又至于河陰時拒守河陽城西師敗歸其後神武攻圍西魏玉璧不尅西師來伐至北却山後神武又圍玉璧不尅文襄遣將圍潁川拔之於是河南自洛陽之西河北自

晉州之西悉入西魏文宣之代命將畧地南際于江矣武成清河中築
戍於軹關其年周軍至洛陽敗還後主武平中陳軍來侵盡失淮南之
地周師攻拔河陰大城後至隆化末西師攻拔晉州因之國滅自東西
魏之後天下三分梁陳有江東宇文有關西高氏據河北有州凡六十
有七郡百六十縣三百六十有五當齊神武之時與周文帝抗敵十三
四年間凡四出師大舉西伐周師東討者三焉自文宣之後總守境而
已大抵西則姚襄城洪洞晉州武平關栢崖軹關河陽南則武牢洛陽
北荊州孔防城汝南郡魯城置兵以防周寇及陳師侵軼數歲齊亡南
境要害未遑制置也

後周北國土宇

周文帝西魏大統中東魏師至蒲津文帝東征尅陝州兼得宜陽郡邵
郡東師又至沙苑後文帝東征至河陰先勝後敗築城於玉璧文帝又
至印山先勝後敗得梁雍州廢帝初尅平漢中又遣軍平蜀文帝西征
至姑臧後又平江陵自是疆理西有姑臧西南有全蜀南至于江矣其

河南自洛陽之東之北河東自平陽之界屬于高齊至武帝建德中東
征拔齊晉州城尋又東征破齊師於晉州城下喪勝平齊後遣軍破陳
軍於呂梁其東南之境盡于長沙通計州二百一十有一郡五百八縣
千三十有四當全盛戰爭之際則至郡郡齊于嶺洛通防黃檀三城
宜陽郡南陝縣土剡三荆三鷗鎮置兵以備東軍

隋廢郡為州

隋文帝開皇三年遷都太興城遂廢諸郡以州治人自九載廓定江表
尋以戶口滋多析置州縣煬帝大業初移洛陽城又平林邑更置三州
既而併省諸州

隋改州為郡

三年改州為郡乃置司隸刺史分部巡察五年平定吐谷渾更置四部
大凡郡百九十縣千二百五十五東西九千三百里南北萬四千八百
一十五里東南皆至于海西至且末北至五原隋氏之盛極於此矣

唐改郡為州

大唐武德初改為郡州太守為刺史其邊鎮及襟帶之地置總管府以鎮軍戎至七年改總管府為都督府

唐置十道

自因隋季分割州府倍多前代貞觀初并省州縣始於山河形便分為十道一曰關內道二曰河南道三曰河東道四曰河北道五曰山南道六曰隴右道七曰淮南道八曰江南道九曰劔南道十曰嶺南道既北珍突厥頡利西平高昌東西九千五百十里南北萬六千九百十八里高宗平高麗百濟得海東數千餘里旋為新羅狴羯所侵失之又開四鎮即西境拓數千皇者于闐疎勒龜茲焉耆諸國矣

唐置都督府

景雲二年又分置二十四都督府分統諸州時議以權重不便尋罷之唐採訪使及節度經畧

開元二十一年分為十五道置採訪使以檢察非法京畿都畿關內河南河東河北隴右山南東山南西劔南淮南江南東江南西黔中嶺南

又於邊境置節度經畧使式遏四夷大凡鎮兵四十九萬人戎馬八萬餘疋每歲經費衣賜則千二十萬疋段軍倉則百九十萬石大凡千二百十萬鎮西節度使寧西振統龜茲國焉耆國于闐國疎勒國北庭節度使防制突騎施堅昆斬啜管瀚海東建康軍寧寇軍玉門軍墨離軍豆蘆軍新泉軍張掖郡守捉烏城守捉交城守捉白亭守捉朔方節度使捍禦北狄統經畧軍豐安軍安遠城西城安北都護府東城振武軍河東節度使倚角朔方統天兵軍雲中郡守捉大同軍橫野軍定襄郡郡樓煩郡崑崙郡范陽郡節度使制臨奚契丹統經畧軍威武軍清夷軍靜塞軍恒陽軍北平軍高陽軍唐興軍橫海軍平盧節度使鎮撫室韋靺鞨統平盧軍盧龍軍渝關守捉安東都護府隴右節度使以備西戎統臨洮軍河源軍白水軍安人軍振武軍威戎軍綏和守捉合川郡界守捉莫門軍寧塞軍積石軍鎮西軍平夷守捉劔南節度使西抗吐蕃南撫蠻獫狁統團結營臨翼郡通化郡維川郡天寶軍蓬山郡交川郡平戎城廬山郡江源郡洪源郡昆明軍寧遠軍雲南軍澄川守捉

南江郡歸城郡鎮南五府經畧使綏靜夷獠統經畧軍清海軍桂管經畧使容管經畧鎮南經畧使邕管經畧使又有經畧守捉使三以防海寇長樂郡經畧使東萊郡守捉東牟郡守捉天寶初又改州為郡刺史為太守大凡郡府三百二十八縣千五百七十有三羈縻州郡不在其中其地東至安東都護府西至安南都護府南至日南郡北至單于都護府南北如前漢之盛東則不及西則過之

唐都名

明皇開元中定天下州府自京都及諸都督護府外以近畿之州為四輔同華其餘為六雄鄭 陝 汴 衛 許 亳 滑洛相魏 十 繁 初有十繁州後入及上中下之差天寶中上州一百九十九。肅宗乾元初收復以郡為州置團練守捉使都團練守捉使大者州鎮十餘小者二三州而已故自此所置皆無郡名而不復列上中下之目其後有方鎮史官不錄於地理之書以為方鎮兵伐之事非職方所掌故也

置十五道城理

明皇開元二十一年又因十道分山南江南為東西道增置黔中道及京畿都畿置十五採訪使檢察如漢刺史之職京畿理西京今洛陽關內多以京官遙領河南理東郡河東理太原河北理魏郡隴西理鄯州山南西理洋中劍南理成都淮南理揚州江南東理吳郡江南西理豫章黔中理黔中中嶺南理南海及天寶盜起中國用兵而河西隴右不守陷于吐蕃亂河西暨鄯武疊岩等郡皆沒于吐蕃代宗寶慶元年又陷秦渭廣德元年復陷河湟等郡德宗正元初又陷安西北庭隴右州縣

河北道

羈縻州突厥之別郡及奚契丹靺鞨降胡高麗為府十四州四十六隸幽州都督安東都護府

關內道

突厥回紇党項吐谷渾為府二十九州九十隸靈夏延慶州都督并單于安北都護府

隴右道

...

突厥回紇党項吐谷渾之別部及龜茲于闐焉耆疎勒河西內屬諸胡西域十六國為府五十一州百九十八隸秦京臨松都督并安西都護府

江南道

蠻為州五十一隸黔州都督府

嶺南道

蠻為州九十一隸峯桂邕都督并安南都護府瀘都督府

唐藩鎮

魏博傳五世至田弘正入朝十年復亂更四姓傳十世有州七

成德

更二姓傳五世至王承元入朝明年王庭湊反傳六世有州四

盧龍

更三姓傳五世至劉總入朝六月朱克融反傳十二世有州九

淄青

傳五世有州十二

滄景

傳三世至程權入朝十六年而李全畧有之至其子同捷而滅有州四

宣成

傳四世有州四

彰義

傳三世有州三

澤潞

傳三世有州五

宋梁及十一國土宇

梁太祖朱温都汴傳世三梁初天下別為十一南有吳浙荆湖閩漢西有岐蜀北有燕晉而朱氏所有七十八州以為梁

劉仁恭稱燕

昭宗乾寧初為幽州盧龍節度使梁初其子守光囚之

李克用稱晉

昭宗封晉王子存勗立是為莊宗國號唐

李茂正稱岐

僖宗時節度鳳翔後取興元有州二十岐隴涇原渭武秦成階鳳邠寧慶衍邠坊丹延梁洋其被梁圍也興元入于蜀開平以後邠坊入于梁秦鳳階成又入于蜀當梁末年所有七州封岐王

錢鏐稱吳越

僖宗時兼鎮杭越其後為楊行密所侵止十三州梁封為尚父吳越王

楊行密稱吳王

盡有淮南之地昭宗封為弘農王燕有宣鄂子溎嗣自稱吳王

王審知稱閩

黃巢寇亂審知因有閩嶺五州之地昭宗就封閩王

馬殷稱楚

盡有湖南之地後燕衡潭鼎澧二十餘州梁封為楚王

王建稱蜀

昭宗授之西川節度後併東川及山南諸郡

高季興稱南平

梁初領荆南節度十州後為諸道所侵季興所有一城而已

劉隱稱南漢

梁初封為海東王卒其弟陟襲位盡有嶺表之地僭號於廣州國號南漢

後唐及五國地理

後唐莊宗謂存勗晉李克用之子都洛陽傳世凡四莊宗初起并代取幽滄有州三十五其後又取梁魏博等十有六州合五十一州以滅梁岐王稱臣又得其州至同光破蜀已而復失惟得秦鳳階成四州而營平二州陷于契丹其王置之州一合一百二十三州以為唐

夏

李仁福卒子彝超留後卒弟彝興立

岐 李茂正卒子從儼立

蜀 前蜀王衍後孟知祥殂子昶立

楚 湖南馬霸圖薨子希聲立薨弟希範立

吳 明宗天成二年吳王楊溥稱帝

石晉及七國地理

晉高祖石敬瑭太原人為鄆帥唐末帝清泰三年以鴈門之北及幽州所管州結契丹以攻唐自立都洛陽傳世凡二謹按五代職方考石氏立獻十有六州于契丹而復得蜀金州又增置州一合一百七州以為

蜀

孟昶

南平

高從誨

楚

馬希範

南漢

劉龔子玢

南唐

吳王楊溥遜于其相徐知誥改號齊知誥改姓李名昇號唐殂子璟嗣位

閩

天福三年閩主王昶立審知之子延義為主五年制授福州王延義閩王延義為其臣朱文進所弑詔授文進節度封閩王

吳越

天福六年吳越王錢元瓘薨子佐襲位
劉漢及六國地理

漢高祖姓劉名高本名知遠晉少帝開運二年初封北平王三年即皇帝位於太原號大漢稱天福十二年云謹按五代職方考劉氏之初秦鳳階成復入于蜀隱帝時增置州即鮮也合一百六州以為漢

蜀

孟昶

南平

高從誨子保融

楚

馬希範希廣希萼

南漢

劉旻

南唐

李璟

吳越

錢元佐

郭周及七國地理

周太祖姓郭名戚都汴傳世三謹按五代職方考郭氏代漢十州入于劉吳世宗取秦鳳階成瀛莫及淮南十四州又增置州五濟濱通雄霸而廢者三景武莫合一有一十八州以為周石晉末閩已先亡而在者七國自江以南二十一州為南唐。自劔以南及山南西道四十六州為蜀。自湖南北十州為楚。自浙東西十三州為吳越。自嶺南北四十七州為南漢。自太原以北十州為北漢。荆歸峽三州為南平。右合七國所有一百六十八州而軍不在焉

宋朝肇造混一政升改廢置州郡

太祖受周禪。建隆元年李筠反澤潞遣石守信高懷德進討上親征筠赴火死。李重進反淮南遣石守信王審琦李處耘討之上親征重

進赴火死。建隆四年二月王師入荆南南平高繼冲舉族歸朝得州三縣一十五。三月克湖湘周保權得州十四縣五十八。六年正月拔蜀孟昶降兩川悉平得州四十五縣一百九十八。開寶四年二月拔廣州擒劉鋹嶺南悉平得州四十一縣六十五。八年十一月拔兗州擒李煜江南悉平得州一十九軍三縣一百八。太宗太平興國三年四月平海軍節度使陳洪進上表以所管十三州歸于有司。三年五月錢徽獻所管十三州一軍八十六縣。四年上親征太原北漢劉繼元上表納欵得州十縣四十一。七年得西夏李繼捧銀夏二州。元豐九域志

謹按聖朝元豐頒行李德劄曾肇王存等撰九域志總為二十三路。元豐元年詔河北東西末與秦鳳京東東西京西南北淮南東西路轉運司通管兩路遂以河北陝西京東京西淮南路為各提刑提舉司仍舊分路。京東東西路熙寧七年分京西南北路太平興國三年分河北南路後併為一路熙寧五年復分為二路河北東西路太平興國三

年分河北南路雍熙四年分東西路端拱二年併為一路熙寧六年復分二路陝西路太平興國二年分河北河南路又有陝府西路後併為一路熙寧五年分二路按陝除永興一路外鄜延環慶涇原秦鳳熙河是為五路而序止稱陝西路今姑別之以俟觀者河東路淮南東西路太平興國元年分東西路後併為一路熙寧五年復分二路兩浙路江南東西路太平興國元年分東西路後併為一路天禧四年分二路荆湖南北路咸平二年分南北路成都府路乾德三年兩川併為西川路開寶六年分峽路咸平四年分益利夔梓四路嘉祐四年以益州路為成都路梓州路利州夔州路福建路太平興國元年為兩浙西南路雍熙三年改福建路廣南東西路

化外州郡

契丹自唐末陷營平二州晉祖起并州籍其兵勢割幽瀛莫涿檀順新媯儒武雲應寰朔蔚易十六州以報之顯德六年周世宗復瀛莫二州至今十四州為虜所據。西夏自唐末拓跋思恭鎮夏州討黃巢有功

賜姓李氏有拓拔仁福者為蕃部都指揮使從其姓梁開平中將吏迎立仁福為州帥子彝起彝與繼為帥世有夏銀綬宥之地彝與在周為定難軍節度使太傅中書令封西平王其後光曆繼錡繼佐相次承襲然自祖宗以來服叛不常朝廷易其小寇不即討除彼盜有之地故元豐九域志列之於化外云○宋朝化外州蓋唐羈縻之類雖貢賦版籍不上戶部然聲教所暨皆邊州帥府領焉○河北路安東上都護府幽慎易以檀營平燕歸順遼師順瑞薊○河東路安北大都護府單于大都護府鎮北大都護府雲應新蔚媯朔寰儒毅陝西路安西大都護府庭靈夏涼沙鄯瓜銀鹽勝宥西廓會宕疊甘肅伊洮陽建康鎮利州路松扶翼當悉恭柘宜保靜靈州路思費播夷祥西高業充莊琰廣南路交峯攘嚴由愛驩陸福祿長越温演林景環平琴山武安古德化即茫州

升改廢置州部

四京

東京開封

南京應天

西京商

北京大名

京東路

升改四

兗政和八年

齊齊南府

曹曹仁府

鄆鄆平府

廢一

廣濟熙寧四年廢入曹州

京西路

升改五

陳宣和元年

許許昌府

穎穎昌府

孟孟陽府

汝政和五年改陸海軍

廢一

光化熙寧三年廢隸襄州

河東路

升改三

考

地理

一

晉政和八年

潞升龍德府

府改崇寧元年

廢四

沁太平興國四年廢

慈熙寧五年廢

晉平太平興國四年廢

靜樂咸平五年廢

河北路

升改七

德升安州

定升山中府

邢宣和元年

趙升慶州

澶崇寧五年升開德府

瀛升河間府

乾寧大觀二年改清州

廢二

通利熙寧三年廢

承天廢隸真定

兩浙路

升改六

越升紹興元年

杭升西安府

蘇政和二年

潤升鎮江府

睦宣和三年改嚴州府

溫政和七年改應道軍

廢六

順化廢還杭州

江陰廢還常州

淮南

升改二

舒政和五年改德慶軍

壽政和六年升壽春府

廢一

高郵連水熙寧五年並廢

天長至道二年廢

江南路

升改二

歙宣和二年改徽州

江寧建炎二年升建康府

荆湖路

升改二

岳宣和二年改岳陽軍

誠崇寧三年改靖州

廢三

復熙寧六年廢

漢陽熙寧五年廢

荆門熙寧六年廢

廣甯路

升改二

端宣和元年升肇慶府

桂紹興三年升靜江府

開置二

隆尧政和五年西路置

廢二十五

富縣富登勤常樂縮順寓思明南儀崖隴溥牢羅實蒙思嚴黨恩州
歸恩芝州

陝西五路

升改四

通遠崇寧四年延升延州

慶升慶軍

廢二

乾儀熙寧五年年廢

繹熙寧三年年廢

成都路

改一

陵并大觀四年改樂壽

利州路

升一

三泉縣今復改大安軍

廢二

壁開寶五年年廢

集熙寧五年年廢

潼川路

升改四

戎政和四年改叙州

梓州宣和元年升潼川府

遂升遂寧府

涪井政長寧軍

夔州路

升改一

渝崇寧元年改涪州

開置

渝導義 大觀三年置

水興路

升一

永興軍 升京兆府

河北化外

升改二

幽州 升燕山府

雲州 升雲中府

陝西化外

改一

湟州 宣和元年改樂州

夔路化外

省二

恩播 宣和二年省并恩為務州城播為播州城

府號郡名多口唐舊號不同者

號曰魏郡 滑曰靈河 熙曰臨洮 楚曰山陽 明曰奉化

嵐曰樓煩 龍曰江油

唐所無者十二

澶曰澶淵 軍曰碭郡 淮曰易陽 磁曰滏陽 祁曰蒲陰

耀曰華原 府曰永安 宿曰符離 秦曰海陵 信曰上饒

沅曰潭陽 昌曰昌元 南劔曰劔浦 浦化曰陵水

群書考索卷六十

前集

群書考索卷六十一

前集

山堂先生章俊卿編輯

建陽知縣區玉刊行

縣丞管韶校正

○地理門

風俗類

漢志云凡民函五常之性而其剛柔緩急音聲不同繫水土之風氣故謂之風好惡取舍動靜無常隨君之情故欲謂之俗孔子曰移風易俗莫善於樂言聖王在上統理人倫必移其本而易其末此混天下一之序中和然後王教成也

堯舜

堯舜之時比屋可封畫衣冠而民不犯

三代

三代之時誰毀誰譽直道而行。詩蟋蟀比晉也而謂之唐本其風俗

憂深思遠儉而用禮乃有饒之遺風焉。禮記曰天子巡狩命太師陳詩以觀民風

漢

文景五六十載之間移風易俗黎民醇厚。史記孝文即位百姓無內外之繇得息有於田畝天下盛富粟至十餘錢鳴雞吠犬煙火萬里可謂和樂者乎。文帝時百姓遂安自年六七十翁亦未嘗至市并游敖

唐

太宗時外戶不閉行旅不賫糧

諸國風俗

秦

故秦地於禹貢時跨梁雍二州詩風秦豳兩國。昔后稷封邠公劉處豳太王徙岐文王作豐武王治鎬其民有先王遺風好稼穡務本業故豳詩言農桑衣食之本甚備有鄆社竹林南山檀柘號稱陸海如海之出為九州膏腴。始皇之初鄭國穿渠引涇水溉田沃野千里民以富

饒。漢都長安徙秦諸田楚昭原及諸功臣家於長安徙高貴富人與豪傑兼并之家於諸陵故五方雜厝風俗不純其世家則好禮文富人則商賈為利豪傑則遊俠通姦瀕南山近夏陽多儉阻輕薄易為盜賊嘗為天下劇又郡國輻輳浮食者多民去本就末貴人車服僭上衆庶倣效羞不相及嫁娶尤崇侈靡送死過度。天水隴西山多林木民以板為屋室故秦詩小戎曰在其板室。安定比地上郡西河皆迫近戎狄修習戰備高上氣力以射獵為先漢興六郡也故秦詩無衣曰王子興師修我甲兵及車麟駟鐵小戎之篇皆言車馬田狩之事。漢興六郡良家子選給羽林期門以材力為官名將多出焉故此數郡民俗質木不耻寇盜水草宜畜放故涼州之畜為天下饒保邊塞三千石治之咸以兵馬為務酒禮之會上下通焉吏民相親以是其俗風雨時節穀糴常賤少盜賊有和氣之應賢於內郡政寬厚史不苛刻之致也。巴蜀廣漢本南夷秦并以為郡土地肥美有江水沃野山林竹木疏食果實之饒民食稻魚元凶年憂俗不愁苦而輕易淫佚柔弱褊阨。景武間文

翁為蜀守教民讀書法令未能篤信道德反以好文譏刺貴慕豪華及
司馬遊宦京師以文辭顯於世鄉黨慕循其迹後有王褒嚴遵揚雄之
徒文章冠天下由文翁倡其教相如為之師。武都地雜氏羌及犍為
犍犍越雋皆西南外夷武帝初開置民俗畧與巴蜀同風而武都近天
水俗頗似焉。故秦地三分天下之一而人衆不過什三然量其富居
什六秦幽吳札觀樂為之歌秦曰此謂之夏聲夫能夏則大大之至也
其周舊乎

衛

河南本殷之舊都周既滅殷分其畿內為三國邠鄘衛是也自紂滅比
謂之邠以紂子武庚南謂之鄘以管叔尹之東謂之衛以紂叔尹之
以監殷民謂之三監武王崩三監叛周公誅之盡以其地封康叔號曰
孟侯以夾輔王室遷邠鄘衛之民於洛邑故邠鄘衛三國之詩相與同
風都詩曰在浚之下鄘曰在浚之郊邠又曰亦流于邠鄘曰送我乎淇
衛曰瞻彼淇澳故吳公子札聘魯觀周樂聞淇鄘衛之歌曰美哉吾聞
康叔之德如是其衛風乎。康叔之風既歌而紂之化猶存故其俗剛
強多豪傑侵奪薄恩禮好生分。

晉

河東土地平易有鹽鐵之饒本唐堯所居詩風唐魏之國也成王滅唐
而封叔虞其民有先王遺教君子深思小人險陋故唐詩蟋蟀山樞葛
生之篇曰今我不樂日月其邁宛其死矣他人是媮百歲之後歸于其
君皆思奢儉之中念死生之慮吳季札聞唐之歌曰深思哉其有陶唐
之遺民乎

魏

亦姬姓也在晉之南河曲故其詩曰彼汾一曲實諸河之側吳札聞魏
之歌曰美哉颯颯乎

周

宗周鎬京洛邑成周也

昔姬公營洛邑以為在于土中諸侯藩屏四方故立京師。周人之失
巧偽趨利貴財賤義高富下貧喜為商賈不好仕官

韓

鄭陳韓分晉得南陽郡及潁川之父城定陵襄城潁陽潁陰長社陽翟
邠東接汝南西接洪農得新安宜陽皆韓分也。及詩君陳鄭之國與
韓同星分焉

鄭

本周宣王弟友為周司徒食采於宗周畿內是為鄭右洛左汭食溱洧
焉土隘而狹山居谷沒男女亟聚會故其俗淫鄭詩曰出其東門有女
如雲又曰溱與洧方渙渙兮士與女方秉管兮詢訃且樂惟士與女伊
其相謔此其風也吳札聞鄭之歌曰美哉其細已甚民堪也起是其先
亡乎

陳

周武王封舜後媯滿於陳是為胡公妻以元女大姬婦人尊貴好祭祀
用史巫故其俗巫鬼陳詩曰坎其擊鼓宛丘之下亡冬亡夏值其鷺羽
又曰東門之粉宛丘之栩子仲之子婆娑其下此其風也吳札聞陳之

歌曰國立主其能久乎。潁川南陽本夏禹之國夏人尚忠其敬朴野
秦既滅韓徙天下不軌之民於南陽故其俗誇夸尚氣力好商賈漁獵
藏匿難制御也。宛西通武關受江淮一都會也宣王時鄭弘召信臣
為南陽太守信臣勸民農桑棄末歸本即以殷富。潁川有都士有申
子韓非刻割餘烈高仕宦好文學民以貪吝爭訟生分為失韓延壽為
太守先之以敬讓黃霸繼之教化盛行獄或八年無重囚。南陽好商
賈召父富以本業潁川好爭訟一韓化以篤厚君子之德風也小人之
德草也信矣

趙

中山地薄人衆猶有少丘紂淫亂餘民丈夫相聚遊戲悲歌慷慨起則
推剽極冢作姦巧多弄物為倡優女子彈弦跼蹠游媚富貴徧諸侯之
後宮。耶郢北通燕涿南有鄭衛漳河之間一都會也其土廣俗雜大
率精急高氣勢輕為姦。太原上黨又多晉公族子孫以詐力相傾矜
夸功名執仇過直嫁取送死奢靡漢典號為難治擇嚴猛之將或任殺

伐為威父凡被誅子弟怨憤至告訐刺史二千石或報殺其親屬。鍾代石北迫近胡寇民俗好氣為姦不事農商自至晉時已患其剽悍而武靈王又益厲之故冀州之部盜賊常為他州劇。定襄雲中五原本戎狄地頗有楚衛齊趙之徒其民鄙朴少禮文好射獵鴈門亦同俗

燕

武王定殷封召公於燕。薊南通齊趙勃碣之間一都會也初太子丹養勇士不愛後宮美女民化以為俗至今猶然賓客相過以婦侍宿嫁取之夕男女無別反以為榮其俗愚悍少慮輕薄無威亦有所長敢求急人燕丹遺風也。上谷至遼東地廣民稀數被胡寇俗與趙代相類有魚鹽棗栗之饒。殷道衰箕子去之朝鮮教其民以禮義田蠶織作家取無所難是以其民終不相盜無門戶之閉婦人貞信不淫辟其田民飲食以藿豆都邑頗放效及內郡賈人往往以杯器食郡物取吏於遼東吏見民無閉賊及賈人往者夜則為盜俗稍益薄。東夷天性柔順異於三方之外故孔子悼道不行設浮於海欲居九夷有以也

齊

少昊之世有爽鳩氏虞夏時有季荝任力湯時有逢公栢陵殷末有薄姑氏皆為諸侯國至周成王時薄姑氏與四國作亂成王滅之以封師尚父是為太公詩云齊國是也臨淄名營丘故齊詩日子之還兮遭我乎紐之間兮又曰俟我於著乎而此亦舒緩之體也吳札聞齊之歌曰泱泱乎大風也哉其太公乎國未可量也。太公封齊至國修政因其俗簡其禮而人民多歸。太公以齊地負海島鹵少五穀而人民寡廼勸以其工之業通漁鹽之利而人物輻輳後十四世桓公用管仲設輕重以富國合諸侯成功功身在陪臣而取三歸其俗彌侈織作冰紈綺繡純麗之物號為冠帶衣履天下。初太公治齊修道術尊賢智賞有功故至今其土多好經術矜功名舒緩闊達而足智其失今奢朋黨言與行繆虛詐不情急之則散緩之則放縱。初太公始封周公問何以治齊太公曰舉賢而上功周公曰後世必有篡弒之臣後為強臣田和所滅後又為秦所滅

魯周

以少昊之虛曲阜封伯禽為魯侯以為周公主其民有聖人之化孔子曰魯一變至於道言近正也瀕洙泗之教其民涉渡幼者扶老而代其任俗既益薄長老不自安與幼小相讓故曰魯道衰洙泗之間漸漸如也。孔子憫王道衰乃修六經以述唐虞三代之道弟子受業而通者七十二人是以其民好學尚禮義重廉恥。伯禽受封之魯三年而後報政周公曰何遲也伯禽曰變其俗革其禮故遲。太公問何以治魯周公曰尊尊而親親太公曰後世寢弱矣故魯自文公以後祿去公室政在大夫季氏逐昭公陵夷微弱二十四世為楚所滅然本大國故自為分野。今去聖久遠周公遺化消微孔氏庠序衰壞地狹民衆頗有桑麻之業亡林澤之饒俗儉嗇愛財趨商賈好訾毀多巧偽喪祭之禮文備實寡其好學猶愈於他俗

宋

周封微子於宋本陶唐氏火正關伯之虛也詩風曹國也武王封弟曹

叔振鐸於曹其後稍大得山陽陳留。昔堯作游成湯作游者言為宮室游止之處也舜漁雷澤湯止于亳故其民猶有先王遺風重厚多君子好稼穡惡浮食以致畜藏。宋雖滅本大國故自為分野而江楚之失急疾顛已地薄民貧而山陽好為姦盜

衛

本顓頊之虛故謂之帝丘夏后之世昆吾居之成公後為韓魏所侵盡亡其旁邑獨有濮陽。衛地有桑間濮上之阻男女亦亟會聚聲色生焉故俗稱衛之音

周

周末有子路夏育民人慕之故其俗剛武上氣力。漢興一千石治者亦以殺戮為威宣帝時韓延壽為本郡太守承聖恩崇禮義尊諫諍至今本郡號善為吏延壽之化也。其俗頗奢靡嫁取送死過度野王地名好氣任俠有濮上風

楚

周成王封文武先師鬻熊之曾孫熊繹於荊蠻為楚子居丹陽。楚有江漢川澤山林江南地廣或火耕水耨民食魚稻以漁獵山伐為業果麻來戈反贏來戈反蛤食物常足故此音窳窳音窳媮生而亡積聚飲食還給不憂凍餓亦亡千金之家信巫鬼重淫祀而漢中淫失枝柱與巴蜀同俗。汝南之別皆急疾有氣勢。江陵故郢東西通楚東有雲夢之饒亦一都會也。

吳

太伯初奔荊蠻歸之號曰句音吳太伯卒後世謂之虞。吳越之君好勇故其民至今好用劍輕死易發。壽春合肥受南北胡皮革鮑木之輸亦一都會也。始楚賢臣屈原被讒放流作離騷賦以自傷悼後有宋玉唐勒之屬慕而述之皆以題名。漢興高祖王兄子濞於吳招致天下之娛游子弟枚乘鄒陽嚴夫子之徒興於文景之際而淮南王安亦都壽春招賓客著書而吳有嚴助朱買臣貴顯漢朝文辭並發故世傳楚詞。其失巧而少信。初淮南王異優異也國中民家有女者以待

游士而妻之故至今多女而少男。吳越與楚相接比數相兼并故民俗畧同。吳東有海鹽章山之銅三江五湖之利亦江東一都會也。江南地卑丈夫多天

粵

少康之庶少封於會稽文身斷髮以避蛟龍之害後有句踐周元王賜命為伯漢興復立閩君子搖為粵王至武帝始滅為郡國處近海多犀象毒瑁珠璣銀銅果布之湊中國往商賈者多取富焉番禺其一都會也民服布如單被穿中央為貫頭男子耕農稻禾稻紵麻女子桑蠶織績亡馬與虎民有五畜牛羊豕犬也山多麀音主似鹿而大麀而小兵則盾矛刀木弩竹矢或骨為鏃

歷代所尚

商

商之政尚猛故其俗激昂而奮厲。

周

周之政尚寬故其俗和柔而寬緩

齊太公治齊舉賢尚功周公知其後必以強士

魯周公治魯尊尊而親親太公知其後必以弱亡

秦

秦人刑嚴而苛法峻而密教化不立風俗見於借父耰鋤慮有德色毋取箕箒立而諄語抱哺其子與公並偃。賈誼曰商君遺禮義行之二歲秦俗日敗

漢

文帝躬行元噍示敦朴為天下先故五六十年之間移風易俗黎民醇厚。又曰西漢尚經術東漢尚名節

晉

尚虛浮

唐

尚詞章

董仲舒曰凡下之從上也從口之所言而從心之所好也上好勇則民輕死上好仁則民輕財故上之所好民必甚矣。康衡曰鄭伯好勇國多暴虎秦穆貴信民多從死陳后好巫民多淫祀晉侯好儉民人蓄聚太祖好勇則天下猛士出而為之兵太宗好奇謀則天下計畫之士出而為之慮真宗好賢則天下豪傑之士出而為之任仁宗好文愛儒則天下無有不學之士人

總論

國家之治亂本於禮而風俗之善惡繫於習赤子之啼無有五方其聲一也及其長則言語不通飲食不同有至死莫能相為者是無他焉所習異也至於古今亦然有服古之衣冠於今之世則駭於州里矣服今之衣冠於古之世則僂於有司矣衣冠焉有是非哉習與不習而已矣夫民朝夕見之其心安焉以為天下事正應如此一旦驅之使去此而

就彼則無不憂疑而莫肯從矣昔秦廢井田而民愁怨王莽復井田而民亦愁怨趙武靈王變華俗效胡服而群下不悅後魏孝文帝變胡服效華俗而群下亦不悅由此觀之世俗之情安於所習駭於所未見固其常也是故上行下効謂之風薰蒸漸漬謂之化淪胥委靡謂之流衆心安定謂之俗及乎風化已失流俗已成則雖辨智弗能諭也強毅不能制也重賞不能勸也嚴刑不能止也自非聖人得位而臨之積百年之功莫能變也司馬溫公文聖人之化自近及遠由內及外是以京師者風俗之樞機四方之所面向而依倣者也加之士民富庶財物畢會難以儉率易以奢變至於發一端作一事衣冠車馬之奇器物服玩之具且出奇制夕染諸夏工者矜能於無用商者通貨於難得歲加一歲巧拙之性不可窮好尚之勢多所易故物有未弊而見毀於時人有循舊而見嗤於俗富者競以自勝貧者耻其不若且曰彼人也我人也彼為奉養若此之麗而我反不及由是轉相慕效務盡鮮明使愚下之人有逞一時之嗜慾致終身之貲產而不自知也且山野不能給野火江海不

能實陋危淳和之風散則貪饜之行成貪饜之行成則上下之力匱如此則人無全行士無廉聲尚陵遏者為時宜守檢押者為鄙野節義之民少兼并之家多富者財產滿州域貧者困窮不免於溝壑夫人之為性心充體逸則樂生心鬱體勞則思死若是之俗何法令之能避哉故刑罰所以不措者此也且壞崖破宕之水原自涓涓干雲蔽日之木起於青葱禁微者易救末者難所宜畧依古之王制命市納賈以觀好惡有作奇技淫巧以疑衆者糾罰之下至物器饌具為之品制以節之工商逐末者重租稅以困辱之民見末業之無用而又為糾罰困辱不得不趨於田畝田畝闕則民無饑矣以此顯示衆庶未有輦轂之內治而天下不治矣

夷狄類

東夷

白虎通云夷者養也言無禮儀或云夷者抵也言仁而好生萬物抵地而出故天性柔順易以道禦有九種

白暎夷方夷于夷黃夷白夷玄夷風夷陽夷率皆土著運畧喜反飲酒歌舞或冠弁衣錦器用俎豆所謂中國失禮求之四夷者也

昔堯舜義仲宅嶋夷曰賜谷注云宅居也東表之地曰嶋夷賜明也日出於谷而天下明故稱賜谷義仲居治東方之官

夏后氏太康失德夷人始叛其後至右發即位賓于王門獻其樂舞桀為暴虐諸侯內侵

商湯革命伐而定之至于仲丁蓋夷作寇自是或服或叛三百餘年武乙衰弊東夷寢盛遂分遷淮岱漸居中土

周初封商太師於朝鮮太師為周東夷範時管蔡畔周乃招誘淮夷作亂周公征定之其後徐夷偕魏穆王命楚滅之至楚靈王會申亦來同盟後越

遷琅也遂陵暴諸夏後滅小國秦并天下其淮泗夷皆散為人戶朝鮮歷千餘年至漢高帝時滅武帝

元狩中開其地置樂浪郡至後漢末為公孫度所有魏晉又得其地其三韓之地在海上朝鮮之東南百濟新羅魏晉以後分王韓地

新羅又在百濟之東南倭鳩和又在東南隔越大海夫餘在高麗之北挹婁之南其倭及夫餘自後漢百濟新羅自魏歷代並朝貢中

國不絕而百濟大唐顯慶中蘇定方滅之高麗本朝鮮地漢武置縣屬樂浪郡時甚微弱後漢以後累代皆受中國封爵所都平壤城則故朝鮮國王險城也後魏周齊漸強盛隋文帝時寇盜遼西王諒帥兵討

之至遼水遭虜變而天煬帝三度親征初渡遼水敗績再行次遼水會楊玄感反奔退又在將達涿郡屬天下賊起及饑饉旋師唐貞觀中太

宗親征度遼破之高宗總章初英國公李勣遂滅其國占之肅慎宜即魏時挹婁自周初貢楛矢石砮至魏高貴鄉公末東晉元帝初及石

李龍時皆獻之後魏以後曰勿吉國今則曰靺鞨焉大抵東夷書文並同華夏其閩越之地秦平天下以為郡及秦郡其帥又自王於故地

漢武帝元封初楊僕滅其國遷其人於江淮盡其地自後雖人度復集遂為郡縣矣宋朝建隆以來高麗女真定安請內屬辨東夷東夷

海中二國滅新并韓扶餘日本倭奴毛人蝦蟇女國琉球宋朝至者日本國

兩國

兩國

南蠻其在唐虞與之要質故曰要服夏禹之時漸為邊患暨于周代黨
衆彌盛故詩曰蠢爾荆蠻大邦為讎至楚武王時蠻與羅子共敗楚師
殺其將屈瑕楚師後振遂屬於楚及吳起相悼王南并蠻越遂有洞庭
蒼梧之地秦昭王使將伐楚畧取蠻夷置黔中郡漢興以後時有寇盜
其西南諸夷夜即之為悉平定置郡縣公孫述時夜即大姓為漢保境
後漢初從番禺秦貢光武建武中武陵蠻師軍程大寇郡縣漢將劉尚
戰敗數歲方平順帝時武陵太守增其租賦蠻又舉種反殺鄉吏東晉
時沔中蠻因劉石亂後漸徙於陸渾以南徧蒲山谷宋齊以後荆雍二
州各置校尉以撫寧之群蠻酋帥率受南北朝封爵至後魏末暴患滋
甚齊稱侯王屯據峽路斷絕行旅周武帝遣陸騰大破之其僚初因蜀
李勢亂後自蜀漢山谷出侵擾郡縣至梁時州郡每歲伐獠以利及後
周平梁益自爾遂同華人矣自古不臣中國唐正觀以後置羈縻州領
之。五嶺之南至海之北三代以前是為荒服秦平天下開置南海等
二郡秦亂趙佗據有其地傳五代九十三歲至漢武建元中伏波將軍

路博德滅之分為儋耳等九郡其珠崖郡在海洲上大率數歲一反元
帝初元中納賈捐之議罷之後漢光武建武中交趾女子徵側反伏波
將軍馬援討平之桓靈以後蠻獠又擾象郡象林縣遂為林邑國矣其
餘郡縣歷代雖時有反亂州郡兵旋平定之極南之人雕題交趾其俗
男女同川而浴其西有敢人國生首子輒解而食之謂之宜弟味肯則
以遺其君君善而賞其父娶妻妾美則讓其兄烏澗人是也交趾之南
有越裳國周公居攝六年天下和平越裳以重譯而獻白雉周德既衰
於是稍絕。五嶺自行山之南一山東盡于海其南渠海其北古荒服
日南珠崖皆屬其地。海南諸國漢時通焉大抵在交州南及西南居
大海中州上相去或五三百里五二千里遠者二三萬里乘船舉航道
里不可詳知外國諸書雖言里數又非定實也其西與諸胡國接元鼎
中伏波將軍路博德開百越置日南郡其徼非諸國自武帝以來皆獻
見後漢桓帝時大秦天竺皆由此道遣使貢獻及孫權遣宣化以事朱
應中即康泰使諸國其所經及傳聞則有百數十國因立記傳晉代通

中國者蓋少及宋齊至者有十餘國自梁武隋煬諸國使至踰於前代
唐貞觀以後聲教遠被自古未通者重譯而至又多梁隋焉。海南國
名扶南丹上無論訶陵閩婆投和于陀利頓遜自薄諸薄毗騫羅烏
篤邊斗婆登多蔑羅利黃支多摩長槃婆利根于脩赤土薄刺陁洹大
山哥羅分舍宋朝通貢者有閩婆占城注輦三佛齊丹流眉蒲端勃泥
國。辨日南羅州日南即越裳林邑之地漢馬援檀銅柱以表漢界宋
朝開寶以來交趾修貢請內附皆受封爵焉

西戎

西羗本出三苗蓋姜姓也其國近衡山及舜徙之三危漢金城之西南
羗地是也濱于陽支于河首緜地千里南接漢蜀徼外蠻夷西北鄙善
車師諸國所號無常依隨水草地少五穀產牧為業其俗氏族無定或
以父名母姓為種號妻後母納娣嫂如北狄之俗故國無餘寡種類繁
熾在古不立君臣無相長一強則分種為首豪貴則為人滑落更相劫
掠以力為雄殺人償死無他禁今其兵長在山谷短於平地不能持久

而果於觸突以戰死為吉利病終為不祥甚耐寒苦同之禽獸昔夏啓
之子太康失國四夷背叛及后相立乃征畎夷七年然後來賓于后泄
始加爵命由是服從后桀之亂畎夷入居邠岐之間成湯既興伐而攘
之及殷中衰諸戎背叛至于武丁征西戎鬼方克之及武乙暴虐大戎
寇邊周公踰梁山而避于岐下及王季遂伐西落鬼戎自是之後更
伐始呼翳徒之戎皆克之及武王伐商羗鬃率師會于牧野至穆王時
戎狄不貢王乃西征大戎獲其五王遂遷戎于太原夏王衰弱及宣王
立召秦莊公與兵伐破之其後侵盜不已至幽王昏虐西戎寇周殺幽
王於驪山周乃東遷洛邑及平王之末周遂陵遲戎逼諸夏自隴山以
東及守伊洛往往有戎於是渭首有狄獯邽異之戎涇北有義渠之戎
洛川有大荔之戎潁首以西有蠻氏之戎間在中國與諸夏盟會後晉
滅驪戎是時伊洛戎強東侵曹魯襄王時秦皆自瓜州遷陸渾之戎于
伊川允姓之戎遷于渭內東及鞮鞞在河南山北者號曰陰戎秦穆公
得戎人由余遂霸西戎開地千里及晉悼公又使魏絳和諸戎復修霸

業其後陰戎之種遂以滋廣與晉伐周後陸渾叛晉晉荀吳滅之後楚執蠻氏而盡因其人至周貞王八年秦蜀公滅天荔取其地趙亦滅北戎韓魏後稍并伊洛陰戎滅之其遺脫者皆走西踰汧隴自是中國無戎寇惟餘義渠種焉最為強盛屢為秦患又昭王起兵滅之始置隴西北地上郡焉始皇後務東向故得繁息秦平天下蒙恬西逐諸羗出塞漢初微弱景帝時研種求徒於伏道安故武帝又西邊渡河湟開河西置四郡武威張掖酒泉其後先零種圍枹罕漢兵擊平之始置護羌校尉至宣帝代又寇金城趙充國立屯田且討降者三萬餘人置金城屬國處之自後賓服後漢光武建中初寇金城馬援討破降之徙七千口於三輔和帝以後又反叛毫自後稱天子南入益州東犯趙寇寇及戎城十餘年然後破散順帝永和又叛漢將馬賢戰沒後段熲窮討及靈帝末方始平定自光武以後匈奴心事惟西戎屢擾魏晉二代時亂關隴不至大傷害永嘉以後吐谷渾興焉本遼東鮮卑晉時數自戶西附于陰山屬晉亂遂吞并諸羗而有其地至其孫葉延遂為強國後魏末其

主李呂自號可汗建官多效中國泊隋煬帝時遣王推大破之其主伏允遠遁收其地列置其縣鎮戍後轉衰弱唐初吐蕃始興焉其帥後魏末自臨松郡丞故其主有贊府之號高宗時遂滅吐谷渾盡有其地將軍薛仁貴等大敗於大非川儀鳳中工部尚書劉審禮又率兵十八萬敗沒於青海調露中中書令李敏玄大敗於大非川武后時王孝傑方大破之始復龜茲等鎮萬歲通天初又寇梁州都督許欽明戰沒因贊府殺其名將許欽明之後累破敗遂劣於曩時矣。辨西域漢武帝時張騫開西域始通者三十六國在匈奴之西烏孫之南東漢班超復定五十餘國條支安息諸國至于海濱四萬里外皆重譯來貢自魏及晉不過三數國耳後魏所聞十有六國隋之世來朝有四十餘國唐破吐蕃復四鎮諸國貢獻作於前代宋朝建隆以來通貢者于聞高昌龜茲大食天竺。辨夏國自唐來已跋思恭賜姓李氏宋朝端拱初賜以國姓至寶元六年元昊僭竊

其涼五州

其涼五州即漢武取渾邪休屠王地置河南四郡南隔距羗據三關而
斷匈奴右臂以通西域宋國初以來朝貢不絕皆受封爵。辨天竺五
天竺即漢之身毒國亦曰婆羅門地王萬餘里有邑城數百在葱嶺南
。西羗盛衰西羗禹貢析支之地三代為患秦漢之興遂之河塞之外
東漢匈奴少事惟此屢擾魏晉時多亂關隴永嘉以後吐谷渾與焉隋
以其地置郡縣鎮戍唐初吐蕃并吐谷渾党項諸羗東據涼松茂嵩南
距婆羅門西陷四鎮北抵突厥萬餘里為強國今吐蕃党項分處麟府
陝西極邊內屬。西域國名西域諸國樓蘭且末三師四鎮渠黎姑墨
温宿尉頭尉黎危須山國戎瀘杵彌渠勒皮山精絕莎車休循捐毒烏
孫西夜子合滿梁判汗烏托大宛罽賓維兜烏弋山離條支安息大夏
月氏天竺康居奄蔡高附少府擇散堅彌呼得令短人厭達師子波斯
但般大盧尼渠末披揭槃陀阿鈞羗疊是羅槃弋副貨彌曹石河史愷
但吐火羅入食佛林

群書考索卷六十一

群書考索卷六十二

前集

山堂先生章俊卿編輯

建陽知縣區玉刊行

縣丞管韶校正

地理門

夷狄類

北狄

北狄以畜牧為業隨逐水草無文書俗簡易以言語為約束然各有分
地射獵禽獸食肉衣皮習於攻戰此天性也畜之所多則馬牛羊其奇
畜則橐駝驢騎馱駟駘騾唐則山戎夏則獯鬻周則玁狁王時
德衰侵暴及涇陽人被其苦至魯孫宣王乃命將討伐至太原稱為中
興四夷賓服其後山戎越燕伐齊後又伐燕齊桓公救燕敗走之襄王
之時戎狄至維巴東至衛境侵盜尤甚晉文公乃興師攘却居於西河
圖音洛之間號曰赤翟白翟而晉北有林胡樓煩之戎燕北有東胡山

戎各分散溪谷自有君長往往而聚之者百有餘戎然不相統一及晉
悼公納魏絳之謀和諸戎戎服而晉強晉侯賞魏子金石之樂至安五
之時趙襄子踰句注而破之洎于戰國趙武靈王變俗胡服習騎射北
破林胡樓煩築長城自代傍陰山下至高闕為塞而置雲中鴈門代郡
其後燕將秦開襲破東胡却千餘里燕亦築長城自造陽至襄平置上
谷漁陽右北平遼西遼東郡以距胡。匈奴之先夏后之後殷伐奔北
夷至七國時國漸強盛以為隣敵秦始皇平天下北却匈奴築長城渡
河以陰山為塞及秦亂劉項相持之祭未遑邊備單于頭曼稍稍渡河
南復其故地至冒頓匈奴益強盛盡服從北夷南與諸夏為敵國圍漢
高帝於白登帝因婁敬詭妻以宗女公主呂治文帝復通和親其後復
大入蕭關於是細柳棘門霸上三軍以備焉納晁錯說召入實塞下終
景帝時不為大患武帝因王恢議誘單于入塞不克自爾侵盜尤甚衛
青霍去病累歲窮計盡徙漠北矣漢境又至于陰山關河西置酒泉等
郡隔統羗胡逐通西域宣帝時其國亂賢王以下爭立為五單于呼韓

南移近塞朝漢為藩臣郅支奔康居為廿延壽誅滅至成帝時單于
又求朝賜以後宮王嬪單于喜甚上書願保塞上谷以西至燉煌請罷
邊備塞吏卒以休天子人民即中侯應習邊事陳十不可及王莽輔政
易單于璽曰章改號恭奴單于復大寇盜莽又改號降奴服于發兵屯
戍議滿三十萬十道窮追分裂為十五單于嚴尤諫陳五難至後漢建
武二十四年其國饑疫死耗分為南北單于其南單于款塞願求為藩
蔽扞禦北狄入居雲中後又徙居美稷藏宮等上書請逐滅北匈奴光
武務欲息人不許和帝時北單于為竇憲破滅安帝時南單于屢被鮮
卑侵掠靈獻之際轉又挫服魏武帝時分為五部置於西河離石諸郡
劉元海則左賢王之孫而南匈奴種微矣。初烏桓漢武帝時霍去病
擊匈奴左地因徙於上谷漁陽之間為漢慎察匈奴動靜始置護烏桓
校尉監統之至後漢漸強盛光武納班彪冊又置校尉獻帝以後寇掠
又甚竟為曹公所滅自桓靈之際鮮卑又盛盡有漢北匈奴故地至光
武中其帥牟立國亂。壇石石槐之種魏文帝時為小種。鮮卑軻比

能破滅北能明帝以後國亂離散。諸部大人慕容拓跋宇文更盛並稱大號跨有中州焉。蠕蠕自拓跋初徙雲中即有種落後魏太武伸窟中強盛又盡有匈奴故地其主社喻始號可汗猶言皇帝以後常與後魏為敵國明帝熙平以後其國主爭立大亂東西魏之時突厥既強蠕蠕生奔西魏悉被誅滅。自蠕蠕衰弱突厥漸盛至西魏大統中大破蠕蠕又盡有匈奴故地其主士門號可汗由古之單于也。北齊後周爭結婚姻項府藏事之至大邏便沙鉢魯分為二國。大邏便之後為西突厥焉。隋文帝開皇中本國荒亂其主染干朝隋并徙種落於朔州及夏勝二州之間。湯帝親幸其部其後始畢可汗圍帝於鴈門因隋亂華人奔湊又更強盛控弦百萬勢陸中夏。唐武德中寇原州貞觀初頡利又至渭橋四年李靖滅其國靈州總管張寶相擒頡利獻焉。太宗納溫彥博議置其餘種於河南朔方之地其後滋繁分為二州至阿史那元珍叛還故地開元初本落亂又請降復處河南俄又叛去。其西突厥自隋開皇中國亂各自為一國大業末西突厥被北突厥所滅北突

厥武后嗣聖初其主默啜寇定趙二州大殺掠而去。自三代以還北狄盛衰可畧而紀其小國者時有侵擾不為大患者則不暇錄焉。辨契丹蓋契丹本與漢異種而同類東晉建元中為慕容氏所破走松漢間唐太宗以其部為松漠都督府武宗賜奉國契丹即今稱大遼其妃耶律氏

總論

中國之有夷狄如畫之有夜陽之有陰君子之有小人也中國失政四夷交侵先王所以御之者亦可得而畧聞矣。舜曰而難任人四夷率服又曰無怠無荒四夷來王然則欲其率服莫若難任人欲其來主莫若無怠荒柔遠能邇治內安外而殊俗之民嚮風慕義不以利誘不以威脅而自至矣欲附者則撫之不欲者不強致也故不勞民不費財至於後世之君或讎疾而欲殄滅之或愛悅而欲招來之是二者皆非也何則彼雖夷狄亦猶中國之民趨利避害欲生惡死豈有異於人乎王者於天地之間無不養也鳥獸草木猶當愛之况人類而欲殘之乎殘之

固不可况不能勝而殘其民乎仁人之所不為也為之者秦始皇是也山川之所限風氣之所移言語不通嗜慾不同得其地不可居得其民不可使也列為州縣是崇虛名而受實弊也且得之既以為功則失之必以為耻其失不在於已而在於子孫故有征討之勞餽餉之煩民不堪命而繼之以亡隋煬者是也且中國地非不廣也民非不衆也曷若無失修其禮樂利政以惠養吾民使男有餘粟女有餘布民筆不試以致太平不亦帝王之盛美乎故有求於外處彼其難也無求於外如此其易也然而人君常捨所易行所難何哉忽近而喜遠厭故而謀新不入於秦則入於隋雖不至於仁而常與之同事其累德豈細哉范文正公唐鑑○夷狄不可以中國之治治也譬若禽獸然求其大治必至於大亂先王知其然於是以不治治之治之以不治者乃所以深治之也春秋書公會戎于潛何休曰王者不治夷狄錄戎來者不拒去者不追也堯古者九夷八蠻無大君長紛紛藉藉不相統制惟北狄之種當為大國以抗中夏然蠻夷之俗種姓分別十人為郡百家為黨見利則聚輕合易

散族類不一其心終不相愛故其兵利於疾戰而不利於遲久北狄之人綿地千里控弦百萬侯王君長通為一家人畜富庶蔓延山谷之間其心常有所愛重而不忍去故其兵利於遲久而不利於疾戰此二者其大小之勢合有所便宜乎中國之所以待之者合有道也今夫北狄之人伏於陰山之下養兵休士居而不戰此其志未嘗須臾忘中國也然其心以為戰而勝人猶不若不戰而屈人之兵戰而不勝民之死者未可知也故常太言虛竭而不進以謀弊中國蓋其所愛者愈大故其謀之愈深而發之愈緩以求其不失也若夫西戎南蠻西南夷之民悉其衆喪尚不能當狄人之半而其酋長每為亂不能自禁此誠無愛於其心而僥倖於一戰以用其烏合之衆而已故夫蠻夷之人擾邊求利其中非有大志者其類皆可以謀來也愚嘗觀於西南徼外以臨蠻夷之衆求其所以為變之始而遂至於攻城郭殺人民縱橫放肆而不可救者其積之莫不有漸也夫蠻夷之民寧絕而不通今邊鄙之士利其貨財而納之於市使邊民陵侮欺謾而奪其吏長吏又以為擾民而不

之禁窮恚無聊莫可告訴故其勢必至於解仇結盟攻剽蹂踐殘之於
鋒鏑之間而後其志得伸也嗟夫為吏如此又見其不知本矣通關市
戢吏民待之如中國之民彼尚維此激怒而為此哉然事不患乎不知
而患乎人之不能戍昔班超處西域數十年西破龜茲北狄匈奴及將
東歸或以為必有奇謀乃就問其計然其言止曰察見淵中魚不祥屯
戍之士皆非忠臣孝子不可盡繩以法當是時莫不皆笑以為不足用
然及西域之亂終亦如此故夫謀非必奇而後可以用而在乎當否而
已古者四夷皆置校尉而益州有蠻夷騎都尉以治其事使其強者不
能內侵而弱者不為中國之所侮蓋為是也麟子○戎狄自古迭為中
國患由秦以來未有得志於南蠻者也蓋以瘴毒險阻不得天時地利
所恃者人和而已而民從征役皆知必死如往棄市則是三者皆亡矣
秦發閭左成五嶺而陳項起秦遂以亡漢初呂后欲誅趙陀士卒不能
踰嶺武帝擊越發兵江淮因巴蜀罪人等放棄之蓋不可以中國之師
涉其地也遂滅南越以為九郡元帝卒罷朱崖州武帝遣馬搖擊交趾最

為有功然三年而後士卒死者什五六乃得一女子之者其難也如是
是以聖王不重外而輕內不勤遠而忘邇恐征伐不息變生於內而播
其本也唐○戎狄之俗畏服大種而種中國戎強則臣狄狄強則臣戎
戎狄皆弱而後中國可得而臣戎狄皆強而後侵掠之患不至於中國
蓋一強而一弱中國之患也彼其弱者不敢以戰是以爭附強國之餘
威以趨利於中國而後無所懼強者並將弱國之兵蕩然南下而無復
反顧之憂然後乃敵專力於中國而不去此二者以勢相從而不可間
是以中國之士常不解甲而息也昔者冒頓老上之盛惟西戎之無強
國也故匈奴之人得以盡力而苦吾中國使西戎有武力戰勝之君則
中國之禍將有所分而不專何者彼畏西戎之乘其後也故北狄強則
中國不得不厚西戎之君而西戎之君亦將自托於中國然而西戎非
有強力自負之國則其勢亦將折而入於匈奴惟其國人而好勇其君
之意欲區區自立於一隅而不畏北狄之衆而後中國可得而用也然
天下之人皆以北方有強捍不屈之匈奴而又重之以西戎之大國則

中國不勝其困此何其不思之甚也夫烽火之人惟其愚陋而多怨是故可與共憂也惟強狠而好勝是故可以激而壯也使之自相攻擊而不相下則其勢必走於中國中國因而收之而其不服者乃可圖也然天下之議又將以為戎狄之俗不喜自相攻闕而喜擊中國之衆此其勢固不可而合也愚亦以為不然夫四夷之所以喜攻中國者為吾兵之能苦戰而錦繡金玉之所交會今使吾兵精而食足據險阻明烽燧更士練習而不敢懈彼雖有壯騎無所施設則其利不在於攻中國堅坐而相守不出十年彼外無所掠虜將不忍而熱中將反而求以相調以為起兵之名彼兵交於匈奴而怨結於中國則何以自固故中國舉而收之必將得其歡心然天下之心常畏其強而莫或收之而使為北狄之用此何其不識戎狄之情也由文子。北狄之畏其性譬如禽獸便於射獵而習於馳騁生於兵肉之地長於霜雪之野飲水食肉風雨饑渴之所不能困上下山坂筋力百陪輕死而樂戰故常以勇勝中國至於其所以擁護親戚休養生息畜牛馬長子孫安居佚樂而欲保其首

領者蓋無以異於華人也而中國之士常憚其勇畏避而不敢犯種衰之民亦以此恐惕中國而奪之利此當今之所謂大患也昔者漢武之世匈奴絕和親其後二十年之間漢兵深入不憚死亡捐命絕漠之北以決勝負而匈奴孕重墮壞人畜疲弊不敢言戰何者勇士壯馬非中國之所無有而窮追遠逐雖匈奴之衆以終有所不安也故夫敵國之盛非隣國之所深憂者要在休兵養士而集其勇氣使之不懾而已今天下之勢中國之民優游緩帶不識兵革之勞驕奢怠惰勇氣消耗而戎狄之賂又以百萬為計轉輸天下日言厚禮以滿其不足之意使天下之士耳熟所聞目習所見以為生民之命寄於其地故俯首柔服莫敢抗拒凡中國勇健豪壯之氣索然無復存者矣夫戰勝之民勇氣百倍敗兵之卒沒世不復蓋所以戰者氣也所以不戰者氣之畜也戰而後守者氣之餘也古之不戰者養其氣而不傷今之士不戰而氣已盡矣此天下之所大憂也昔者六國之際秦人出兵於山東小戰則殺將大戰則割地兵之所至天下震慄然諸侯猶帥其敗散之兵合從以擊

秦砥礪戰士激發其氣長平之敗趙卒死者四十萬人廉頗收合餘燼北摧栗腹西抗秦兵振刷磨淬不自屈服故其民觀上之所為日進而挫皆自奮怒以爭死敵其後秦人圍邯鄲梁王使將軍新垣衍如趙欲遂帝秦而魯仲連慷慨發憤深以為不可蓋夫天下之士所為奮不顧身以抗強虎狼之秦者為非其君也而使諸侯從而帝之天下尚誰能出身以拒其君哉故魯仲連非徒惜夫帝秦之虛名而惜乎天下之勢有所不可也今尊秦夷狄無知之人交歡納幣以為兄弟之國奉之如驕子不敢一觸其意此適足以壞天下義士之氣而長夷狄豪橫之勢耳愚以為養兵而自重卓然特立不聽夷狄之妄亦以為民望而全吾中國之氣如此數十年之間天下摧折之志復壯而北狄之勇非吾之所當畏也由文

要害類

自古封疆之守其詳不可勝言三代以前純任德化不以地險為謀故要害之說未之聞焉昔者太王居邠狄人侵之則去之岐山之下居焉

未聞以某地其處為要害置城壘以控扼之遣軍戍以守禦之也自采薇之詩作命將遣戍以守衛中國蓋其西有昆夷之難北有玁狁之患雖聖人亦不得不然也自茲以往德化寢薄每每特地以為險故要害之說有得而言者。戰國時趙武靈王北破樓煩築長城自代傍陰山下至高闕為塞而置雲中鴈門代郡

秦

將秦開襲破東胡却千餘里燕亦築長城自造陽至襄平置上谷漁陽右北平遼東郡以距胡。秦滅六國始皇使蒙恬將數十萬之衆北擊胡悉取河南地因河為塞築四十四縣城臨河徙適戍以充之而通直道自九原至雲中因邊山險墜谿谷可繕者繕之起臨洮至遼東萬餘里又渡河據陽山北假中池

漢備北邊要害

漢文帝三年夏匈奴右賢王入居河南地為寇於是帝遣邊吏車騎八萬詣高奴懸之。文帝後四年匈奴之絕和親大入上郡雲中於是

漢使三將軍屯北地伐屯句注趙屯飛狐口又置三將軍軍長安西渭北棘門灑上以備胡。武帝時使將軍韓安國屯漁陽終胡。初匈奴擊東胡大破之。城東胡既歸西擊走月氏南併樓煩白羊河南王悉復收秦所使蒙恬所奪匈奴地者與漢關故河南塞至朝那雷地至是衛青出雲中擊胡之樓煩白羊王於河南指定匭取河南地築朔方復繕故秦時蒙恬所為塞因河而為固。漢亦棄上谷之斗辟縣造陽地以予胡。漢得昆邪則隴西北河西益少胡寇屯朔方以東備胡。漢使光祿徐自為出五原塞數百里遠者千里築城障列亭至廬朐。使彊弩都尉路博德築居延澤上。驃騎出代左王將音道先驃騎封於狼居胥山禪如術臨翰海而還是後匈奴遠遁而漠南無王庭。宣帝本始三年遣田廣明將四萬餘騎出西河范明交三萬餘騎張掖韓增三萬餘騎出酒泉田順三萬餘衆出五原凡五將軍兵十餘萬衆匈奴聞漢兵大出遂遠遁。成帝時單于上書願保塞上谷以兩至燉煌請置邊備塞卒以休天子人民。後漢建武二十四年南單于歆塞願水為

藩蔽捍禦北狄入居雲中後又移居美稜

三國六朝要害

魏入都許不以万城為險而守襄陽。蜀入都益不以劍閣為險而守漢中。吳入都秣陵不以大江為險而守荆渚。晉宋齊梁經畧河南暫得而暫失之而羯胡拓跋深入淮甸故其鎮守自河南至於江南靡常厥所。陳於淮南暫復而旋失之故其鎮守江南為重焉。晉兩失襄陽而復得之以至于齊乃喪樊鄧及蕭令附魏江陵失守則陳氏所得江南而已故其鎮守亦隨時而遷焉。荆州三國必爭之地魏有苟或蜀有諸葛亮吳有魯肅皆一時之傑也苟或說曹之則曰先取河北南臨荆州諸葛亮說劉備則曰跨有荆也。自有險阻者其意各在吞并故不得不窺荆州也。至孫權都江左荆州乃其上游尤當力爭故魯肅說之曰荆州與國隣接之而有之天下可定。及曹操破荆州順江東下則遣周瑜擊劉備領荆州牧則命諸葛瑾從備求之而又躬環甲冑與魯肅呂蒙陸遜輩數十年間以死拒戰而荆州要地卒為吳有魏不

復南渡蜀不敢東下者以不失上流之勢也及吳之衰晉圖平之羊祜
首建策謂必藉上流之勢若引荆益之兵水陸俱下荆楚之衆進臨江
陵平南豫州直指夏口徐揚青兗並向秣陵是以一隅之吳當天下之
衆也其後王濬造龍尾舟王戎輩并吞席卷順流長鷺直造秣陵悉如
枯策而吳遂亡是荆州不可失也。巴蜀晉三失蜀而三得之宋取仇
池而不能有梁失漢中久而後復至其末年併與蜀而失之若其鎮守
往往漢之故處也。况當太白斗絕之隅一夫敵萬不惟險之恃可乎
。自司馬錯請伐而蜀道始通巴蜀相攻俱占急于秦秦惠王欲伐蜀
魏武以為五百里石穴其險可知魏明帝欲發兵攻諸葛亮孫資曰昔
為五百里石穴其險可知魏明帝欲發兵攻諸葛亮孫資曰昔
拒漢兵使其將延岑悉兵拒漢漢彭越出。劉璋嘗分守矣以白水
進兵而至勤已郡之嘆漢帝特劉璋心嘆曰此所謂獨坐窮山深谷
自當也守軍此失其險者也。元德歛兵自守遂有漢中武侯不忘
劉主之恩攻祈山出斜谷竟以糧盡而志不克伸渭南屯田而中營之

星隕矣

諸葛亮揚聲由斜道出祁山亮以數出皆以軍糧不繼使已志
不伸乃分兵屯田耕於南渭之濱。亮本傳有星赤墜亮營

而死。然武侯亦其徒險而暴師哉始則斬雍閭擒孟獲服夷之心繼
則責躬引咎休息三年蓋以自治而守其險也亮至南中所在戰捷斬
亮生擒孟獲使觀於營陳之中縱之七縱七擒亮猶遣之獲止不去曰

公天威也南人不復反矣。趙雲鄧芝亦敗於箕谷亮引咎責躬布所
失於境內屬兵。姜維反之雖種香中之麥而悉空外圍之兵既失陽

安之防徒為劔閣之拒魏元帝時漢將軍姜維退住香中因來桂麥不
中姜維張翼董厥等請陽安關口為諸圍外助勦諸○停葛瞻綿竹之

行延魚貫必死之寇開關揖盜而進之蓋自取之也魏特鄧艾自陰平
軍拒艾艾破瞻前鋒瞻退在綿竹艾斬瞻○李德裕建籌邊樓修青溪

大度之險以來維州之降唐本傳從劍南西川乃建籌邊樓築伏義城
以制青溪大度之阻吐蕃維州將悉坦謀以

于唐。持險而輕者譙縱蕭紀尉遲回耳晉義熙元年侯景陽味逼譙
年王志新贊首以送朱齡石。陳宴帝大建十三年周討遲迫自稱大總

帥討迥城被迥自殺。王孟相繼粗知守險之道使非後嗣之庸失

其所守未易知也五代時王建聚蜀子街二世降于本朝。國家駐蹕東

唐。唐孟知祥處蜀至相降于本朝。國家駐蹕東

五代時王建聚蜀子街二世降于本朝。國家駐蹕東

唐。唐孟知祥處蜀至相降于本朝。國家駐蹕東

五代時王建聚蜀子街二世降于本朝。國家駐蹕東

唐。唐孟知祥處蜀至相降于本朝。國家駐蹕東

五代時王建聚蜀子街二世降于本朝。國家駐蹕東

然折會稽豫章之論而以建鄴為根百年之基業遂定此其大畧也。昔秦始皇東巡經秣陵縣望氣者言金陵地形有王者都邑之氣。張紘說孫權曰地有其氣天之所命宜為都邑因徙治石頭改秣陵為建鄴。西晉之末始改石頭為建康起元帝迄陳區區伯業晉不足以當此休應。孫皓議遷都武昌陸抗上疏曰武昌土地危險非王都之所船泊則流漂陵居則峻危且童謠言寧食建鄴水不食武昌魚寧歸建鄴死不止武昌居夫民謠本出於天心乃以安居而比死足以明天意知民所苦矣。晉蘇峻平宗廟宮室並為煨燼温嶠建議遷都豫章三吳豪傑諸都會稽二論紛紜未有所適王導曰建康王者之宅古之王者不以豐儉移都且北虜游寬伺我之隙一旦示弱儼於蠻越望實皆喪由是嶠等謀並不行。南齊蕭穎胄議遷都夏口柳忱以巴峽未實不宜輕捨根本不徙俄而巴東之兵至峽口遷都之議遂息論者以為見機。梁侯景平元帝臨荆峽二十餘年不欲歸建鄴故府臣僚皆楚人並欲即都江陵方建鄴舊都凋荒已極周洪正諫曰若黔首未見入建

鄴使謂猶列國諸王今日赴百姓心不可不歸建鄴

江淮表裏

江淮之險天所以限南北也自昔立國於南則守江以為家戶備淮以為藩籬三國時吳割據荆揚盡長江所極而有之而壽陽合肥蕪春皆為魏境吳不敢涉淮以取魏魏亦不敢絕江以取吳蓋其輕重強弱足以相攻拒也故魏人攻濡須吳必傾國以爭之吳人攻合肥魏必力戰以拒之終吳之世曾不得淮南天寸之地江邊單外故卒無以拒魏魏已下蜀經略上流也壽春出廣陵此吳之所以為擒也東晉迄陳彭城盱眙江都廬諸鎮之地皆入南境據江扼淮以防北狄及陳宣帝時盡歸于周未幾而陳亡由是觀之江淮之形不合則東南之守必孤其表裏之勢則然也。今自淮而東則楚泗廣陵為之表京口秣陵得以蔽遮。自淮以西以壽廬歷陽為之表則建康姑熟得以襟帶。江西之鎮莫重於潯陽而舒蘄者實潯陽之表也。湖北之鎮莫繁於武昌而齊安者實武昌之表也。表裏江淮包括東南其來尚矣凡我之所以

守敵之所以攻古今之宜蓋不甚相遠。昔魏文帝嘗以舟師自譙循
渦從陸道至徐因幸廣陵臨江而觀兵矣。吳之所備者不過自石頭至
江東浮船列筏以應之爾。符堅嘗出汝穎破壽春以撓晉晉之所備
者不過以宰相為征討大都督屯江之南遣謝元衆擊洛澗渡淝水以
應之而已。魏太武嘗臨淮飲江臨瓜步山以窺宋矣宋之所備者不
過沿江六七百里舳舻相接以應之而已。凡此因淮甸蹙江南之策
也。觀之前世知之所由入則吾之所以為守者可不固邪。魏之屯
田皖城謀以弱吳孫權乘雨水入皖督軍攻城須臾自拔自是皖城屬
吳矣。魏以晉宋為蕞春太守數寇吳境吳遣賀齊襲蕞春生致晉宋
○今皖與蕞江州之北境也。曹操治水軍順流而下周瑜程普督軍
以逆之過於赤壁初一交戰操兵敗退瑜屯南岸使黃蓋樊燒北船操
遁去。今赤壁武昌之北境也。凡此舉江南之衆以入淮甸之策也
觀之前世知我之所以取則知敵之所以攻可不備邪。今欲守江為
家戶然淮甸之勢未立則江豈可得而守邪又欲備淮以為藩籬然江

南之基未固則淮豈可得而備邪守江以治內守淮以治外此二者可
以並行而不可以偏廢。起荆襄而至于江左政舉而人和兵強而食
足則淮之東西倚江以為重恃江以為援敵人知之彼且設備於宿毫
必不能點集青徐以擾關輔矣彼且設備於先潤必不能轉輸陳許以
給大梁矣如是則我之所以備敵者專敵之所備我者分矣

群書考索卷六十二

卷之二十二

地理門

七



